

陳健波四良策抗拉布

倡修財會程序限動議 料省三成會議時間

香港文匯報訊(記者 陳庭佳)今屆立法會會期開始以來,財務委員會及轄下的工務小組委員會會議淪為反對派拉布主戰場,財委會主席陳健波早前建議修改財委會會議程序,包括議員只可就每項撥款申請提出一項臨時動議,以及取消議員動議休會。他昨日估計,建議可以節省三成會議時間,建制派最快下月中會討論建議,之後會與反對派商量,強調建議有理有據,批評者從未指出其錯處。

在財委會上年度最後一次會議中,反對派因不滿宣誓案判決而大肆拉布,令36億元教育新資源撥款於最後關頭才驚險通過,更「拉死」擴展東涌新市鎮、興建中九龍幹線等多項撥款。陳健波事後建議修改財委會會議程序,包括議員只可就每項撥款申請提出一項預經預告的無約束力議案(俗稱37A);取消議員動議休會,只許提出中止待續議案;不容許

議員就是否縮短表決鐘聲辯論;不容許被逐議員再參與當日會議。

陳健波昨日接受電台訪問時估計,建議可以節省三成會議時間,強調有理有據,「批評我嘅人,永遠都講我係『千古罪人』,或者同我宣戰,從來無人夠膽講出我嘅問題出喺邊度。」

研調提問時間助質詢

同時,他也正研究增加議員提問時間,因有議員反映第五輪及之後的提問限於一分鐘,「問完(官員)都答唔到啦」,初步建議由現時首輪5分鐘縮減至第五輪及之後的1分鐘,改為「5、5、4、4、3、2(分鐘)」的做法,估

計可令議員提問時間增加最少四成,令他們提問更有意義及質素。他指做法是「有加有減」,令議員更集中透過質詢監察政府。

主席不過拉布 才是「千古罪人」

陳健波認為,有議員反對其建議,或許是因為再無機會在鎂光燈下表演,到要考驗議政能力這「真功夫」時,就不能再用花招去掩飾不足,「對好多人係考驗嚟嘞,好多人好多年都係靠呢啲(花招)遮遮掩掩過日子啦。」

他強調自己作為主席,如果看到一些不應該出現的事情而不去處理,才是「千古罪人」。

他指,現時正忙於與秘書處及法律顧問研究建議,而自己重視解畫及諮詢,加上由於宣誓案、衝擊立法會案及衝擊政總東翼前地案,預期復會後會遇到更大阻力,會與議員充分討論建議,其中建制派最快下月中會討論各事務委員會正副主席人選,屆時他會提出建議討論,之後會與反對派商量。

陳健波又希望,特區政府官員到立法會答問會講求實際,自己不會預期局長會掌握所有範疇的細節,如他們有不清楚之處可直接交由主管有關範疇的屬下回答,也不希望官員持不會更改的「line-to-take」(統一口徑),「錯就要認」。



陳健波強調,自己作為主席,如果看到一些不應該出現的事情而不去處理,才是「千古罪人」。

「狗主」擺酒驕宿怨 「熱狗」翻賬玩清算

網議政事

「狗主」黃毓民自從「熱狗」

仲有「青山城邦派」擊面之後,就好像變咗隻菠蘿雞,一時又對之前口誅筆伐嘅「本民青」、「港大幫」態度軟化,一時又幫「雙學」、「左膠」被改判入冊講嘢,前晚佢個網台「MyRadio」台慶晚宴,更加請咗之前割拒席嘅公民黨主席梁家傑(梁家傑)飲返兩杯。之前俾人起勢咁寸菠蘿雞靠驕狗主嘅「熱狗」,仲唔有報仇咩?最後兩邊又係上演一場網上大龍風囉。一餐飯都可以引起一場罵戰,真係唔到你唔寫個「服」字呀!

宴袋中會金 饗「泛民」一家親?

狗主自從停止向《熱血時報》每月科水三皮嘢之後,「MyRadio」就俾「熱狗」寸係「爛」(窮鬼)台寸到嘅。不過,話晒10歲大生日,「MyRadio」就算點充闊佬都好,前晚都搞咗晚晚宴,除咗一眾「教徒」自己友之外,仲請咗一啲點睇都似係錯隔離離聽嘅人,例如袋中梁同埋退休法官胡國興,而之前「反水貨」反到起晒架嘅梁金成(梁金成),當晚更喺facebook上載咗同狗主、民陣召集人區諾軒、「無敵神駒」仇思達,想選「超區」但選唔到嘅陳國強嘅合照,真係狗晒大雜燴!

「熱狗」副主席四眼(鄭錦滿)當晚即刻喺fb翻狗主舊賬,講返自己嘅政治上連精蟲都未成形嘅往事:話說2011年狗主仲係「人民力量」,當年區選佢搞咗個「票債票償」行動,本來只係針對2010年支持政改嘅民主黨同盟,最後就連「五區總辭」嘅盟友公民黨都搞埋,袋中梁攞得滯,之後話要重新界定「民主派」,要將「擁抱黃毓

民立場」嘅人劃出去咁話。

四眼寸忘本心 菠蘿雞零原則

四眼懶感慨咁話:「今日,黃毓民擁抱梁家傑,擁抱區諾軒,以致擁抱破壞2016年『公投制憲運動』的敵人。出此帖讓自己心死,再見了!」

之前俾狗主響亮話要刮佢出嚟嘅「藍鳳凰」,就話狗主同「泛民」大和解,代表佢過去幾年只係係度行騙,又寸狗主班「教徒」雙重標準,喺度用「同邊個食飯要你管呀」、「唔同政黨就唔可以一齊食飯呀」、「同咩人合照關你鬼事呀」等等理由幫狗主兜,私人飯敘唔得呀?當鼓舊唔呀?你班友限制人哋交友權呀?食餐飯就一定係有密謀呀?你黃毓民憑咩鬧人反骨仔?

神駒護主反擊 批四眼變色龍

狗主俾「狗」咬,神駒係時候救駕喇:「鄭錦滿呢啲×人真係賤×到無人,完全係封閉式邪教思維。毓民已經一早表明,MyRadio台慶係只談風月,不談政治,有唔同黨派嘅嘉賓到場,係好正常嘅事。」神駒仲鬧四眼口口聲聲「擁抱黃毓民主義」,但之後變咗擁抱「熱狗」過氣「首領」狗達(黃洋達),利慾薰心,「你不要再自稱『義士』來侮辱這個稱號了,你只是一個連上庭都遲到,還在法庭上玩手機,被法官質疑沒有真誠歉意而判監的廢人。」

香港文匯報記者 陳庭佳



狗主同袋中梁一張合照,就引起一場網上大龍風。



狗主同神駒、區諾軒、黃金、陳國強一齊,上好好傾咁上鏡,呢張合照個光譜,仲開過西噃!

「教徒」揸舊照 幫兜得啖笑

特寫

喂喂喂,狗主對歷史有啲研究啫,你班「教徒」唔使咁身體力行去考古呀?當狗主請吃袋中梁去台慶而俾「熱狗」圍嘅時候,有「教徒」就上載咗一張「城邦派國師」傻根(陳云根)同毛婆(毛孟靜)仲有咖喱飯(范國威)嘅合照,想玩臭蟲論話傻根都有同「泛民」接觸,甚至係佢第一等嘅「私通偽本土派」。不過,有「熱狗」就查到張相係1,600幾日,即係4年半之前已經喺「高登討論區」出現過。

咁得開走去求證嘅「Gary Wretzky Lai」就話:「乜嘢咖喱飯同毛婆係4年半之前,界(俾)「國師」同埋網民發現同埋



「教徒」揸張傻根同毛婆仲有咖喱飯4年半前合照,嘗試幫狗主兜嘴。

踢爆咗佢地係「本土」招牌招搖撞騙喇?幫唔到手都算嘞,仲要炸返自己隊友。」

香港文匯報記者 陳庭佳

狗咬狗互吠

插狗主

Fai Bacchus Leung: 佢會話,選舉完咗乜都可以一筆勾銷!咁證明佢為咗選舉,乜都可以扮演的!

Venus Lau: 我仲好記得當日睇電視,宣佈毓民敗選嗰刻,公民黨個陳淑莊拍爛手掌笑到中六合彩頭獎咁,完全唔明點解今日可以同公民黨「擁抱」。

Kenneth Ip: 攞住一個老屈自己接近10年的人,一係為錢,一係為命,都無其他原因啫?

陳陶陶: 做咩唔請陳大噏(陳偉業)!

Luciferr Chan: 人在做,天在看,呢啲老而不賣港賊係會皇天擊殺的。

插「熱狗」

Dennis Lam: 《MyRadio》10周年慶關你×事!毓民請邊個又關你×事!你主席話做自己嘢,啱家又做乜咁多事!返去做自己嘢啦!

陳永仁: 你係咪傻嘍?嗰度台慶嚟嘍。台慶係咩人都可以請喇。如果「泛民」有買票睇「熱狗」台慶係咪唔畀「泛民」入場先?

Loklok Jan: 笑×死我咩,你哋「熱狗」連反Pokémon(寵物小精靈)反反吓都變咗支持Pokémon Go(寵物小精靈手機遊戲)啦,同人講原則!

李亨利: ×你老母啦反骨仔鄭錦滿!係2月25日,「熱血」黨大會嗰日,我聽到你鄭錦滿叫人唔使課金畀《MyRadio》,淨係課金畀《熱時》就可以啦!我永遠都會記住!

Tommy Wong: 你收皮啦超音鼠(鄭錦滿),繼續去擺光環吧,無毓民,你老母你啱家仲係一個無人識淨係識得食女嘅垃圾啫。

尹民: 點解黃洋達去沈沈輝婚禮當場唔××CY(梁振英)同劉夢蓀?

資料來源: facebook 整理: 香港文匯報記者 陳庭佳

比華利中港酒店
集團管理·自置物業
牌照號碼: H/0277 H/0278

尖沙咀·中港酒店 灣仔·比華利酒店
日租450元起 日租750元起

訂房專線: 9509 5818

中港酒店: 九龍尖沙咀白加士街1-11號1 & 2樓全層
電話: 2730 1113 傳真: 2723 5398

比華利酒店: 香港灣仔駱克道175-191號京城大廈4樓全層
電話: 2507 2026 傳真: 2877 9277

網址: www.bchkhotel.hk

「雙邪」龜縮「地下化」 網民「苦口」勸火化

特稿

特區終審法院將於周五處理「青症雙邪」梁頌恆及游蕙禎就DQ案提出的上訴許可申請。梁頌恆在接受電視訪問時聲稱,他們是中央政府在港政圈的「頭號敵人」,所以日後要「地下化」嗎!不過,網民就揸揸兩人應該「火化」多啲。

「雙邪」分別接受了now新聞台的訪問。其中,游蕙禎稱已經作好「終極啟訴」的準備,但她無論如何都不會再在政壇消失,話如果她真的退出,就會應了政府

的願,「政府希望我消失,我就不會消失。」即係會繼續與波作浪啦!

梁頌恆則稱「青症」正處於「迷失期」,要思考如何重整旗鼓,但日後發展要「地下化」。他聲言不會再做「有成本無效益的事」,「我不會用以前的模式去做」,又妄言「歷史上我們看到有很多不同類型的革命,權力結構改變帶有很多偶然」,即係你哋唔知自己係做咩喇!不少網民紛紛揸揸(見表),更上載了不少恥笑圖。

香港文匯報記者 羅旦

當獨裁成為事實

自拍是唯一出路

「雙邪」言行乞人憎,網民改圖恥笑。

網上圖片

網民揸揸「雙邪」

曾連天: 即係想攞(搞)天地會?反清復明乎?

Sky Walker: 地下化就唔應該講出嚟。×。哈哈!

Gary Ka Kit: 簡稱「潛水」。

Andy Chio: 唔係「的士化」咩?(揸揸梁頌恆在示威期間話要「守護示威者」,但帶頭跳上的士佬)

Yim Hung Fung: 日後發展地下化,表示已經沒有市場,地下化是要錢的,還是火化吧!

Alvin Au: 發展地下情就有,唔該記得回水,否則坐牢又話人哋政治迫害。

資料來源: fb留言 整理: 香港文匯報記者 羅旦

今日香港天氣預測

2017年 8月20日 星期日

天氣酷熱

氣溫: 28°C-34°C 濕度: 60%-90%

潮漲: 06:56(2.3m) 21:06(1.5m)

潮退: 13:58(0.5m) -

日出: 06:02 日落: 18:52

未來四日天氣預告

21/8(星期一) 氣溫: 29°C-35°C 濕度: 55%-85%

22/8(星期二) 氣溫: 27°C-32°C 濕度: 60%-95%

23/8(星期三) 氣溫: 27°C-30°C 濕度: 75%-95%

24/8(星期四) 氣溫: 27°C-31°C 濕度: 75%-95%

空氣質素健康指數

一般監測站#

明日上午: 低至中

明日下午: 低至中

路邊監測站*

明日上午: 低至中

明日下午: 低至中

一般空氣質素監測站

設於中西區、深水埗、東區、觀塘、葵涌、荃灣、大埔、沙田、東涌、元朗、屯門、港門、將軍澳

中國各大城市天氣預測

| | | | |
|------|------|------|----|
| 大連 | 23°C | 27°C | 多雲 |
| 北京 | 22°C | 29°C | 雷暴 |
| 長春 | 19°C | 28°C | 雷暴 |
| 長沙 | 28°C | 37°C | 天晴 |
| 成都 | 23°C | 30°C | 有雨 |
| 重慶 | 28°C | 37°C | 多雲 |
| 廣州 | 27°C | 36°C | 天晴 |
| 貴陽 | 20°C | 29°C | 多雲 |
| 海口 | 26°C | 33°C | 多雲 |
| 杭州 | 27°C | 35°C | 雷暴 |
| 哈爾濱 | 20°C | 29°C | 天晴 |
| 合肥 | 25°C | 32°C | 雷暴 |
| 濟南 | 22°C | 31°C | 多雲 |
| 昆明 | 18°C | 26°C | 多雲 |
| 蘭州 | 18°C | 23°C | 有雨 |
| 拉薩 | 12°C | 23°C | 有雨 |
| 南昌 | 27°C | 36°C | 多雲 |
| 南京 | 25°C | 30°C | 有雨 |
| 呼倫貝爾 | 17°C | 26°C | 有雨 |
| 青島 | 22°C | 31°C | 多雲 |
| 石家莊 | 23°C | 29°C | 多雲 |
| 太原 | 20°C | 29°C | 多雲 |
| 天津 | 23°C | 31°C | 密雲 |
| 烏魯木齊 | 14°C | 24°C | 天晴 |
| 武漢 | 26°C | 34°C | 驟雨 |
| 西安 | 25°C | 34°C | 有雨 |
| 廈門 | 26°C | 34°C | 多雲 |
| 西寧 | 15°C | 17°C | 有雨 |
| 銀川 | 19°C | 26°C | 有雨 |
| 鄭州 | 23°C | 32°C | 多雲 |

世界各大城市天氣預測

| | | | |
|-----|------|------|----|
| 馬尼拉 | 25°C | 30°C | 有雨 |
| 新德里 | 27°C | 35°C | 有雨 |
| 首爾 | 23°C | 26°C | 有雨 |
| 新加坡 | 25°C | 33°C | 雷暴 |
| 河內 | 25°C | 31°C | 有雨 |
| 雅加達 | 26°C | 32°C | 雷暴 |
| 吉隆坡 | 24°C | 32°C | 雷暴 |
| 墨爾本 | 4°C | 14°C | 多雲 |
| 悉尼 | 7°C | 17°C | 多雲 |
| 倫敦 | 14°C | 20°C | 明雨 |
| 馬德里 | 21°C | 35°C | 天晴 |
| 莫斯科 | 18°C | 29°C | 天晴 |
| 巴黎 | 12°C | 22°C | 驟雨 |
| 羅馬 | 21°C | 33°C | 多雲 |
| 日內瓦 | 15°C | 23°C | 天晴 |
| 里斯本 | 18°C | 33°C | 天晴 |
| 芝加哥 | 19°C | 24°C | 天晴 |
| 檀香山 | 23°C | 31°C | 天晴 |
| 洛杉磯 | 19°C | 27°C | 有霧 |
| 紐約 | 24°C | 30°C | 天晴 |
| 三藩市 | 13°C | 19°C | 天晴 |
| 多倫多 | 17°C | 24°C | 驟雨 |
| 溫哥華 | 13°C | 20°C | 多雲 |
| 華盛頓 | 23°C | 32°C | 天晴 |